



## **ESKOLAKO OHARRAK**

### **TRANSPATIOA**

Duela egun batzuk, hainbat familia auzolanean aritu ziren patioa eraldatzen; eta datorren azaroak 7an, larunbatean, goizeko 09:00etan ere berriz elkartuko dira, oraindik garaiz zaudete izena emateko. Bestalde, azaroak 4ean, Gipuzkoako Foru Aldundiak antolatutako berdintasun eta hezkidetzakonferentzia batean parte hartu zuten eskola komunitateko partaide batzuek eta gure Transpatioa proiektua beste erakunde eta beste ikastetxe batzuei azalduz zitzairen. Lerro hauetatik eskerrak eman nahi dizkizuegu gure eskola hobetzeko lanean aritu zireten guztioi, bereziki Ibon Mendoza (irakaslea), Edurne Arregi (irakasle eta guraso) Mertxe Petxarroman (Tabakalera), Ageda Blasco (artista) eta Maialen Mayo (gurasoa).



### **BEKAK**

Urtero bezala, zuen seme-alabentzat jantokiko eta materialerako bekak eskatzeko aukera izango duzue. Epea urriak 9tik azaroak 9ra arte irekita egon da, beraz gogoratu astelehena dela azken eguna. Kontuan izan online egitea aholkatzen dela, dena den eskolan bertan tramitatu daitezke; honetarako Idazkaritzan hitzordua telefonoz hartzea beharrezkoa izango da.

**BEKAK  
BECAS  
GRANTS**

### **EUSKARALDIA**

Azaroaren 20tik abenduaren 4ra Euskaraldiaren bigarren edizioa izango da. Milaka belarriprest eta ahobizik, 15 egunez, eguneroko hizkuntza-ohiturak aldatzeko ariketa soziala egingo dugu. Zeuk ere euskaraz gehiago, gehiagorekin eta gehiagotan egin nahi baduzu, 16 urte edo gehiago badituzu, eta euskara ulertzen baduzu, eman ezazu izena <http://izenematea.euskaraldia.eus/helbidean>. Animatu zaitezte!!!



## **ESKOLAKO EMAIL KORPORATIBO FAMILIARRAK**

Eskolako digitalizazio prozesuan aurrera goaz, horregatik eskolako familia bakoitzarentzat eskolako helbide elektronikoa sortu dugu. Zuen seme-alabek, eskolako helbide elektronikoa jasoko dute. Komunikazio kanal ofizial gisa erabiliko dugu eta eskolako informazio guztia eta irakasleekin harremana aipaturiko bide honetatik egiteko aukera izango du eskola komunitate osoak. Familia bakoitzaren helbide elektronikoa ahalik eta azkarren aktibatu eta pasahitza aldatzea eskatzen dizuegu, mesedez. Helbide elektronikoa martxan jartzeko, gmail.com orriaren bidez egin behar da.

## **ORDEZKARIEN ORGANO GORENA**

Aurtengoan, gure eskolako Ordezkarien Organo Gorenaren zati bat berritu behar dugu. Hori dela eta, gurasoren batek parte hartu nahiko balu, eskolako Zuzendaritzara hurbil dadila eta izen eman dezala. Guk informazio hau, eskolako Guraso Elkarteari jakinaraziko genioke. Bestela, [elizaldekogurasoelkarte@gmail.com](mailto:elizaldekogurasoelkarte@gmail.com) helbide elektronikora ere idatzi dezakezue, eta izen eman. Eskerrik asko zuen parte hartzeagatik.



## **COVID 19**

Lerro hauetatik gogorarazi nahi dizuegu, Hezkuntza Sailak urriak 2an publiko egin zuen dokumentuan zer jasotzen den: "ez dute ikastetxera joan behar COVID-19rekin bateragarriak diren sintomak dituzten pertsonak, ikasle, irakasle zein bestelako langileak izan, ez eta COVID-19ren diagnostikoa jaso ondoren isolatuta daudenek edo etxeko berrogeialdian daudenek ere, COVID-19rekin bateragarriak diren sintomak dituen pertsona batekin harreman estua izateagatik." Denon artean eskola babes dezagun.

Bestalde, gogorarazi nahi dizuegu, eguerdian etxean bazkaltzen duten ikasleentzat, eskola eremuko arratsaldeetako sarrera, ahal den neurrian 14:40etan izan behar duela, egoera ahalik eta ongien eutsi eta kudeatu ahal izateko.

Jakinarazi nahi dugu, konfinatzen diren Lehen Hezkuntzako ikasleek, aukera izango dutela, beharra izanez gero, eskolako ordenagailu bat eramateko. Honetarako, Zuzendaritzarekin harremanetan jarri eta bertan jasota geratuko den orria bete beharko da.

Azkenik, beste herri batetik, inork (aita, ama, aiton, amona, zaintzaile,...) gure eskolara etortzeko baimena beharko balu, eskolako Zuzendaritzan eska dezala. Orri hau egoki betetzeko, izen, abizen eta NAN zenbakia beharrezkoak dira.

## **URTEROKO MATERIALA KUOTA**

Lerro hauetatik gogorarazi nahi dizuegu, azaroak 15 edo 16ean, materiala eta irteeratako kuota kontu korrante bidez kobratuko dela. Haur Hezkuntzan 96 euro izango dira, Lehen Hezkuntza ordea 90 euro.